

TLAYEKANANI

PARA TLAIXPANTILI TLEN
AMATLAJTLANILISMEJ TLEN KALAKIAN,
KUALCHIJCHIUALISTLI, KOTONALISTLI
UAN TLAJTOLIXNAMIKILI TLEN
MASEUALTLAJTOLISTLI IPAN IEEM

Versión: (Náhuatl)






TLAYEKANANI

PARA TLAIXPANTILI TLEN
AMATLAJTLANILISMEJ TLEN KALAKIAN,
KUALCHIJCHIUALISTLI, KOTONALISTLI
UAN TLAJTOLIXNAMIKILI TLEN
MASEUALTLAJTOLISTLI IPAN IEEM




¿Tijmatiyaya tikpia nauatilmatilistli para tijchluas monauatilmatilismej ARCO (kalakian, kualchijchualistli, kotonalistli uan tlajtolixnamikili) tlen momaseualtlajtolistli ipan IEEM?



¿Tlajke kiijtosneki Nauatilmatilistli tlen Kalakian?

Maseuali katij iaxka maseualtlajtolistli ualtias kalakis, motlajtlanis uan kimakasej tlajolmelaualistli tlen tekiuistli tlen ini, nojkia ualtias kimatis tlajtoli tlen ichtakayotl.




¿Tlajke kiiytosneki Nauatilmatilistli tlen kualchijchialistli?

Maseuali katij iaxka maseualtlajtolistli kipia nauatilmatilistli para motlajtlanis ipan IEEM kualchijchialistli tlen maseualtlajtolistli, kemajelisej istlakatili, axasitoj, axyankuik, axkuali o miak.



¿Tlajke kiiytosneki Nauatilmatilistli tlen kotonalistli?

Maseuali katij iaxka maseualtlajtolistli kipia nauatilmatilistli kemajueli motlajtlanis ma kiixpolokaj imaseualtlajtolistli ipan amakuatlalistli, amatlalistli, amatlanechikoli, nechikolistli, uan neluayotepostli tlen maseualtlajtolistli tlen IEEM, ijikino ayajmo eltosej imako uan ayajmo kitekiuisej.



¿Tlajke kijtosneki Nauatilmatilistli tlen tlajtolixnamikili?

Maseuali katij iaxka maseualtlajtolistli kipia nauatilmatilistli tlajtolixnamikis tlen kitekiuiyaj, para se o miyak tlamanti o kitetsopas ma kikotonakaj tlen ini.



¿Kenij ualtias nitlaixpantis noamatlajtlanilistli para mochiuas nauatilmatilismej ARCO?

Ika Nechikolistli Kalakian, Tlakualchijchialistli, Kotonalistli uan Tlajtolixnamikili tlen Maseualtlajtolistli tlen Mexko Tlali (SARCOEM), ipan chantokajyotl teposmekayotl: <https://www.sarcoem.org.mx/sarcoem/ciudadano/login.page>



Kemaj ya tikalajki kanij chantokajyotl teposmekayotl, monekis tijchluas ini tlachiuallismej:



1. Ximoamatlali o xitlali motokaj tlen tlatekiujketl uan tlajtolnextili. Monekis timoixpantis ika nelkualamatl katij mitsixpantia monemilis uan moaxka tlen maseualtlajtolistli ika katij tichluas nauatilmatilismej ARCO (amatl para titlapejpenas, amatl pasaporte o seyok nelkualamatlaixpantili).

Tlaj tijchluas ika seyok tlaixpantijketl monekis titlaixpantis ika se nauatili amatlajkuiloli mochijtos ika omej katij kiitaj, motlalis tlaixkopinkayotl tlen tlaixpantilismej katij tlauasanijkej o miyakapa tepospaleujketl o yolmelaualistli ipan moixnextilistli maseuali katij iaxka tlen maseualtlajtolistli uan katij melauak teixpantia.

Usuario: _____
Contraseña: _____

Identificación Oficial: _____



1

2. Xitlajtolmelaua melauak maseualtlajtolistli tlen katij tijtemoua tijchias sekij tlen monauatilmatilismej ARCO.


Derechos ARCO

Descripción clara y precisa de los datos personales

2


3. Xijkui IEEM kenij Temachioj Maseuali.

Sujeto Obligado




3


4. Xikijto kenij titemaka tlanankilistli (SARCOEM, melauak motlajtlanis, tlaixkopinalmej, melauak tlaixkopinalmej, sekinoj).



5. Xijsenkaua uan xijtitali moamatlajtlanilistli. ¡Nelia axouik!



Nojka ualtias tijchias monauatilmatisimej ARCO ika se majkajto tlajkuiloli, san ta titemakas ipan Sentilistli tlen Kalakian tlen Tlayolmelauali tlen Sentilistli tlen Tlanextiltlajtoli tlen IEEM, kenij tikamatis, nojka kenij ika san teposmekayotl o melauak o tekichiuali tlen tlajtoltitlanilistli.




¿Ualtias nitlajtlanis tlayejyekoli tlen nauatilmatismej ARCO kenij tlen mijtokej maseualmej o katij melauak kiijtjoki imikilistli?

Kena, tel monekis tijmatis ma mosenkauakaj ini tlachualismej:


- Xikjtos melauak tijneki tijmatis tlen kenij ika tlajtoli tlen tlanauatilmatismej katij mochiuaj uan teaxka tlen maseualtlajtlistli kiijtjoki ika iyolo kenij seyok maseuali ma kichiua inauatilmatismej ARCO.

- Maseuali teaxka tlen maseualtlajtlistli ma kiijtjki ipan itestamento maseualmej katij ualtiasej kichiuasej nauatilmatilismej ARCO kemaj ya mijki o itlakuepilis, monekis kijtjos se Tlanauatijketl.



¿Ualtias nimotlajtlanis tlachiuali tlen nauatilmatilismej ARCO tlen katij ayajmo kiaxitiaj inxiuitl o katij maseualmej amo ualtiaj kamatiq kuali o axualtiaj kichiuaj tlachiuatismej?

Kena, ika tlajtoli tlanauatili tlen moixmatito tlaixpantili ipan tlayejyekoli ipan san maseualpa.



¿Kenij ualtias nitemakas tlanankilistli tlen tlayejyekoli tlen nonauatilmatilismej ARCO?

- SARCOEM.
- Melauak ijitalistli.
- Tepostlanojnotsalismej katij temakatoj teaxka.
- San tlaixkopinalmej.
- Melauak tlaixkopinalmej.
- Seyok tlamanti ika ipatik.



¿Kipia ipatik nijchius nonauatilmatilismej ARCO ipan IEEM?

Ya axipatik, san kemaj motlajtlanis ma kikixtikaj melauak tlaixkopinalmej, ipan tlamanti magnético, disco compacto o tlatitlanilisti kanij seyok chantokajyotl tlen ichaj IEEM.



¿Keski tonal kitlanankilij noamatlajtlanilistli tlen tlachiuilismej tlen nauatilmatilismej ARCO?

Ipan kaitl amo miak ika 20 tekitalmej peua ika imostlaka kemaj titlaixpanti moamatlajtlanilistli, kaitl ualtias uejkaus hasta 10 tekitalmej kemaj onkaj tlamanti tlen nelia.



¿Tlajke pano tlaj noamatlajtlanilistli tlen tlachiualistli tlen nauatilmatilismej ARCO amo kuali nesi, ya kipia kuapololi, axasitok o amo kiaxitia ika tlajtlanilismej tlen Tlanauatili?

Sentilistli tlen Tlanextiltlajtoli tlen IEEM mitsyolmelauas ijkinotikaxitis, tikualchijchiuas o tiueyichiuas tlajtolmelaualistli tlen moneki tlajolmelauali para mopantis momaseualtlajtolistli, o kuali, para tikaxitis tlen moneki tlen Tlanauatili.




¿Tlajke pano tlaj nichijki se nauatilmatilistli ARCO tlen maseualtlajtolistli amo onkaj ipan nauatili tlen IEEM?

Sentilistli tlen Tlanextiltlajtoli mitsmatiltis ika iuijtaka tlen tekitonalmej teipa kemaj moselijki moamatlajtlanilistli tlen yejyekoli tlen nauatilmatilismej ARCO uan, uelis nojkia, mitsnextilis tlen tekinechikoli katij ualtias kipixtos ipan tlanauatili momaseualtlajtolistli.


¿Tlajke pano tlaj noamatlajtlanilistli tlen nauatilmatilimej ARCO kimelaua yejyekoli tlen seyok nauatilmatilistli o onkaj se san tekiti tlachiuali para mochiuasej?

Sentilistli tlen Tlanextiltlajtoli mitsyolmelauas ika eyi tektonalmej teipa kemaj kiselijkej moamatlajtlanilistli.



Nojkia, kemaj onkaj se tekiti tlachiuali o san mochiualistli katij moijtojo ika tlanauatili o katijueli seyok tlanauatilistli, Sentilistli tlen Tlanextiltlajtoli mitsmatilistli ika makuili tektonalmej teipa kemaj titlaixpanti moamatlajtlanilistli.


¿Tlajke ualtias nijchluas tlaj amo techyolmelaua nopa tlanankilistli tlen noamatlajtlanilistli?



Ualtias titlaixpantis tlamanti tlen motlachilis tlen melauak xitlauak o ika teposmekatlanojnotsalismej ipan INFOEM o ipan Sentilistli tlen Tlanextiltlajtoli tlen IEEM, ika kaxtoli tektonalmej teipa kemaj mitsyolmelauasej tlanankilistli tlen moamatlajtlanilistli tlen yejyekoli tlen nauatilmatilismej ARCO.

Tlaj tikpia tlajtlanilismej tlen tlaixpantilistli o tekitl tlachiuali tlen moamatlajtlanilistli tlen yejyekoli tlen nauatilmatilismej ARCO, ualtias tiyas ikan tekikalmej tlen Sentilistli tlen Tlanextiltlajtoli tlen IEEM eltokej ipan Paseo Tollocan, tlapoualístli 944, Tlatsinta Planta, Pilchinanko Santa Ana Tlapaltitlán, C.P. 50160, ipan kauptl tlen 09:00 asta 17:00 kauptl, tlen lunes tonali asta viernes tonali; o kualí, xitechnojnotsas ipan teposkakamanali tlapoualístmej 01800 712 43 36 lada amo kipia ipatik o 01 (722) 275 7300 extensión 3055, ipan fax 01 (722) 275 7300, extensiones 3055 uan 8451, o ipan correos electrónicos transparencia@ieem.org.mx o juan.hernandez@ieem.org.mx.

PLANTA BAJA







Instituto Electoral del Estado de México
Paseo Tollocan No. 944, Col. Santa Ana Tlapaltitlán,
C.P. 50160, Toluca, Estado de México.

  **IEEM Oficial**   **IEEM_MX** www.ieem.org.mx